



Faa'iidada

PEARSON

booktrust

ilmahaaga oo aad

La Akhrido

Hordhaca waxaa qortay
Jacqueline Wilson



Somali Edition

Buugyarahan waxaa ilmahaaga hadiyad u siiyay shirkadda daabacaadda iyo waxbarashada ee Pearson. Booktaym waxaa la sameeyay 2006 waxaana lala kaashaday jaaratiga madaxbannaan ee Buugtarasti si ay ugu dhiirrigeliyaan carruurta inay jeclaadaan wax akhriska.


Warbixin dheeraad ah waxaad ka helikartaa jeldiga u dambeeya.




Wadaagga buugta



Waxaa dhici karta inaad ilmahaaga hore ula wadaagi jirtay buugta

 Ilmahaaga oo buug lala wadaagaa waa wax wacan. Waa waqtigii aad isku soo dhowaan lahaydeen, wada qoslilahaydeen ee aad wada sheekaysan lahaydeen.

 Waxaa kale oo wacan in qoyska oo dhami ka qaybqaataan – walaalaha lab iyo dhedigba, ayeeyooyinka iyo awooweyaasha – dadka ugu muhiimsan qoyska oo dhan.



Markaan yaraa, hantida ugu muhiimsan ee aan haystay waxay ahayd buugtayda. Buug kasta waan akhriyaa oo haddana ku celiyaa, markaasaan sheeko cusub sawirrada ka sameeyaa.

Weliba waxaa sii wacan marka qof wayni buug uu u akhriyo ilmaha ee ay isku maaweeliyaan oo ku raaxaystaan.

Waxaan waalidiinta iyo mas'uulkaba ku dhiirri gelinayaa inay buugta sare ugu akhriyaan carruurta xitaa marka ay carruurto iskood u akhrisan karaan. Haddii ay carruurto sidaas kula qabsato markaa noloshooda oo dhan sidaas ayay wax u akhriyi doonaan.

Jacqueline Wilson

Jacqueline Wilson, Jildaranis Looriyeet, 2005-07



Su'aalaha qaarkood oo laga jawaabay

Xaggaan ka helayaa buug munaasib ah?



Ilmahaaga dhegayso si aad u ogaato
nooca buugta uu jecelyahay.




Waxaad waydiin kartaa waalidiinta kale
iyo macallinka ilmahaaga noocyada la
akhriyo.



Waxaa kale oo laga helikaraa buugta la
ammaanayo maktabadda, dukaamada
buugta iibiya iyo websaytyada.

Maxaan sameeyaa haddii ilmahaygu
doorto buug adag?

Adigu qayb u akhri oo ka hadla sawirada
iyo fekradaha. Carruurta buugta adag
way jeclaan karaan haddii aad u akhrido.



Sidaan waqti ugu helayaa?

Inaad wada akhrisataan toban illaa labaatan miridh maalintii amaba dhowr jeer usbuucii, ayaa waxtar wayn u noqonaysa.



Carruurta haddaan afkayga hooyo ugu akhriyo ka warrama?

Carruurta waa u wacantahay inay sheekooyin iyo heeso carruureedba ku maqlaan afka guriga lagaga hadlo. Carruurta aad bay dadka waawayn ugaga fiicanyihiin inay laba luqadood bartaan.



Maxay ilmahayga ugu qaadatay muddo ka dheer carruurta kale inuu wax akhriyo?

Carruurta badankeedu waxay akhriska bartaan inta u dhaxaysa afar illaa toddoba jir, laakiin runtii carruurta qofba si gooniya ayuu u bartaa. Waxaa muhiim ah inay ogaadaan in buugtu xiiso leedahay.

Xasuuso waxyaabahan soo socda



Waxyaabaha kala duwan ayaa wacan. Ku dhiirri geli ilmahaagu inuu akhriyo waxyaabaha isaga xiise geliya. Tusaale ahaan sida buugta jilidda, maagasiinada, buugta kaftanka laga barto, kuwa gabayada, iyo buugta rabbaayadaha ama kuwa ciyaaraha.



Waxaa kale oo wacan in ilmahaagu ku arko adiga oo wax akhriyaaya – buugta, waraaqaha, emaylka, tasmada cuntada, jaraa'idka iyo maagasiinada.



Isku day inaad eegto buug kasta oo dugsiga laga keeno oo wada akhriya buugga ilmahaagu ugu jecelyahay.



Buugta loo akhriyo carruurta marka la seexinaayo



Runtii waa wax aad u macaan in la wadaago sheekooyinka lagu seexo



Sida in loo ballanqaado hal sheeko oo kale, ama tii xalay oo la dhammeeyo carruurta way jeclaysiisaa inay hurdada isu diyaariyaan.



Sheekada sariirta loogu akhriyo ilmaha waxay u kordhisaa dareen whehel iyo in la jecelyahay.



Sheekada sariirta loogu akhriyo ilmaha waxay kale oo ina siisaa xasuus xitaa marka aynu waynaano.



Waxaa ka sii wacan marka reerka oo dhami ka qayb qaato – waxay taasi tustaa in la qiimaynayo sheekooyinka iyo wax akhriska.



Ilmahaaga buug la wadaag



Meel gaar ah iyo waqti gaar oo aad ku wada akhrisataan samaysta.



Kuwada qosla qaybta qosolka leh.



Ka sheekee sawirrada. Taasi waxay ilmaha ka caawinaysaa in sheekadu macno samayso.



Buugga sidii wax nool uga sheekee – waxaad sawirtaa waxyaabaha uu ilmahaagu jecelyahay dabeedna sheeko kawada sameeya.

Halkan waxaa ku yaalla websaytyo aad ka heli karto war bixin dheeraad ah Pearson, Buugtarasti iyo buugta carruurta:

booktime.pearson.com

www.puffin.co.uk www.penguin.co.uk

www.pearson.com www.longman.co.uk

www.booktrused.com www.booktrust.org.uk

Waxaannu ugu mahad celinanaa Jacqueline Wilson(2005-07);

Lynley Dodd (2006) iyo Allan Ahlberg (2007), hadiyaddan buugta ee ay noogu deeqeen.

Geraldine Taylor, qoraa;

Tony Ross, sawire;

Wendy Cooling, khabiir;

iyo Mantra Lingua oo turjumtay.



booktrust



BUUGTAYM

